

Fundur framkvæmdaráðs 10. mars 2016 , Tortuga Fiskislóð 31, 101
Reykjavík. kl. 20-22 .

==Dagskrá==

Höskuldur Dungal (félagsmaður) með mál
Umræða um kosningakerfi Pírata
Vantar nýjan meðlim í trúnaðarráð
Lög Pírata á Seltjarnesi og Suðvesturkjördæmi

==Mættir==

*Björn Þór Jóhannsonn
*Unnar Þór Ólafsson
*Björn Leví Gunnarsson (gestur)
*Olga Margrét Cilia
*Þórhildur Sunna Ævarsdóttir
*Erna Ýr Öldudóttir
*Herbert Snorrason (fjarfundar í tölvu)
*Höskuldur Dungal (gestir)
*Kári Gunnarsson mætir á fund kl. 21:05

Þórhildur Sunna Ævarsdóttir býður sig fram sem fundarstjóri. Engin mótmæli
Olga Margrét Cilia býður sig fram sem ritari. Engin mótmæli (Sunna styður heilshugar)

==Mál Höskuldar Dungal==

Höskuldur Dungal er nýliði hjá Pírötum. Leggur fram hugmyndir um að setja upp upplýsingar á vegg hjá Pírötum varðandi þingmenn og málefni. Hafa einn vegg með upplýsingum um þingmenn og annan til dæmis með blaðaúrklippum. Einn veggur gæti verið hugmyndir Pírata. Einn veggur sem væri staðreyndir eða kannanir. Þetta væri sniðugt í kosningaskrifstofur

Framkvæmdaráð tekur vel í þessa hugmynd. Til í að gera þetta hér á Tortuga, getum alveg gert þetta hér og svo vel gert þetta líka í kosningamiðstöð.

Höskuldur talar um að þetta gæti líka verið listafólk (innan flokksins) sem gæti tekið þetta að sér.

Höskuldur fer af fundi 20:35

==Umræða um kosningakerfi Pírata==

Á stefnumálafundi Pírata kom fram tillaga og greinargerð (ábending) um kosningakerfi Pírata frá félagsmanni. Beiðnin laut að því að traust yrði til kosningakerfisins.

Tillagan tiltók meðal annars að kosningakerfi Pírata yrði yfir allan vafa hafinn. Umsjónarkerfi yrði óháð og eingöngu hlutlaus vefhýsingarkerfi yrði notað. Niðurstöður úr kosningum verði sendar á

félagsmenn og birtar opinberlega. Verklag á að vera gagnsætt. Allir eigi að vita að kosningakerfi eigi að vera traust og yfir allan vafa hafinn.

Tilteknir félagsmenn hafa aðgang að kerfinu og því komu upp spurningar á stefnumálafundinum um hvernig því væri háttað og hvort að öryggi væri tryggt.

Björn Leví, Björn Þór og Herbert eru hér mættir til þess að ræða þessi mál, þar sem þeir hafa aðgang að kerfinu.

Hér höfum við tekið málið formlega fyrir. Sem sagt er hægt að tryggja öryggi varðandi upplýsingar í kosningakerfinu. Þurfum við að gera einhverjar breytingar eða getum við tryggt öryggi með öðrum hætti. Einnig þurfum við að ákveða hvort að nota eigi kerfið í komandi prófkjörskosningum.

Björn Þór: Þetta er hýst hjá 1984 sem er vottaður hýsingaraðili. Mörður Ingólfsson er eigandi 1984 sem er hýsingaraðili kosningakerfis Pírata. 1984 er vottaður hýsingaraðili. Samkvæmt lögum verður það að vera félagsmaður sem hefur þennan aðgang, til dæmis að félagatalinu til þess að geta verið með aðgang að kosningakerfinu. Við getum í rauninni ekki sett það til óháðs aðila. Það hafa komið fram hugmyndir um leiðir fyrir félaga til þess að auðkenna atkvæðið sitt, sem sagt "validata" atkvæðið sitt, sem sagt að félagar gætu séð hvort að atkvæði þeirra hefði verið talið rétt. Þessar hugmyndir voru slegnar út af borðinu þannig að þriðji aðili gæti ekki nýtt sér þetta, til dæmis ef þú værir að selja atkvæðið þitt eða annað. En það væri hægt að prenta út lista með dulkóðuðum strikum. Getum endurskoðað þessa hugmynd ef við teljum þetta mikilvægara en kosningaleynd. Einnig var talað um breytingar á kerfinu þannig að fólk gæti séð hvernig það hefði kosið í fyrri málum

Bókað í fundargerð: Helgi Hrafn hefur ekki verið með aðgang að kosningakerfinu síðan í ágúst 2015. Hann hefur ekki haft aðgang að vefhýsingakerfi síðan 28. janúar 2016. Samkvæmt emaili sem Helgi Hrafn sendi framkvæmdaráði 10. mars 2016.

Erna bætir við: Færa okkur frá því að kalla þetta kosningakerfi heldur nota þetta frekar sem atkvæðagreiðslukerfi um mál. Einnig hvort að breyta eigi kosningu á aðalfundi og prófkjöri, og að kosningakerfið verði einungis notað til þess að kjósa um mál.

Herbert: Strangt til tekið er það gegn lögum Pírata að nota kosningakerfið til þess að kjósa í framkvæmdaráð. Ekki spurning um að ákveða annan hátt, það verður að fá annan hátt. Varðandi prófkjör, þá var kerfið hannað fyrir prófkjörin en það má líka skoða aðra möguleika.

Björn Leví: Það var beðið um leyfi aðalfundar að nota kosningakerfið til að kjósa í framkvæmdaráð. Bendir á að samkvæmt lögum eiga félagar að fara með trúnaðarupplýsingar, þeir sem gera það gera það í trúnaði við framkvæmdaráð og félagsmenn. Það að vera með aðgang að

vefhýsingarkerfi þá geturðu komið í veg fyrir að það sé loggað niður það sem þú gerir. Aldrei hægt að komast hjá því að vefhýsingaraðili hafi þennan aðgang að vefhýsingarmál.

Sunna: Getum við fengið skrifað á skiljanlegu máli hvernig þessi kerfi eru uppbyggt. Í kjölfarið tekið ákvörðun hvort við viljum breyta þessu og fáum aðstoð félagsmanna við að ákveða. Best að geta verið með prófkjör og kosningar í ráð innan Pírata í gegnum tölvu. Er einhver til í að taka þetta að sér.

Björn Þór: Jú það er vel hægt að senda póst throun@piratar.is og sá hópur getur komið fram með tillögur.

Erna: Það eru aðilar sem eru adminar sem munu að öllum líkindum taka þátt í prófkjöri. Ef við getum sýnt fram á að kerfið sé hlutlaust og öruggt þá er það besta leiðin. Annað hvort að leysa sé adminana að eða gera kerfið þannig að þeir aðilar hafi ekki aðgang að kosningunum.

Svo annað, ef einhver tapar aðgangsorðinu sínu þá er ekki hægt að leysa það.

Björn Leví: erum með hugmyndir um hvernig við myndum gera þetta yfir prófkjörin. Þá yrði þetta þannig að það gæti enginn haft aðgang að kerfinu og svo er hann scriptaður að hann opnar sjálfan sig eftir prófkjörið.

Tillaga frá Sunnu: Ég legg til að við höldum upplýsingafund um kosningakerfið okkar í næsta mánuði. Fundurinn samþykkir það.

Björn Þór: Þetta fyrirkomulag (á adminum) var tekið meðvitað af fyrra framkvæmdaráði. Þeir sem hafa aðgang að kerfinu í dag hafa gert það í trausti frá trúnaðarráði, ekki bara þeir sem tóku það að sér vegna þess að þeir þróðu kerfið. Þetta var allt upp á borðinu.

Björn Leví: hópurinn þarf endurnýjað umboð í rauninni. Þegar ákveðið var að þetta var hjá 1984 var eigandi ekki yfirlýstur Pírati. En það er kannski betra að þetta sé Pírati, því að þetta eru trúnaðarupplýsingar.

Olga: langar að taka saman það sem fram kemur hér í fundargerð saman í einhvers konar yfirlýsingu um að við höfum tekið málið fyrir á formlegum fundi. Einnig þó að við treystum ykkur alveg, þá verðum við samt að geta svarað fyrir þetta út á við til okkar fjöldamörgu nýju félaga. Einnig hef ég heyrt að þetta script sé eitthvað dubios.

Björn Leví (andsvar): Vélin er sett upp þannig að það er bara hægt að setja upp kerfið frá ákveðnum stöðum.

Sunna (andsvar): Spurning um að fá eftirlitsaðila með adminunum til þess að fólk geti treyst þessu.

Unnar (andsvar): Þetta er í rauninni endalaus eltingaleikur við að gera þetta öruggt, því það koma alltaf nýjar og nýjar leiðir til þess að rugla í kerfinu.

Erna: Snýst ekki um okkar persónulega traust gagnvart adminum. Heldur að við erum komin með mikið fylgi og þurfum að tryggja að fólk treysti kosningakerfinu okkar og að uppfylla væntingar og staðla.

Tillaga frá Ernu: Að þróunarteymið hittist og komi með tillögum að lausnum sem leysa þessi vandamál sem eru til staðar. Í framhaldinu að við hefðum á heimasíðunni okkar nokkurs konar yfirlit og sögu kosningakerfisins. Við þurfum líka að geta útskýrt fyrir fólki að 100% öryggi er aldrei hægt að fá fram. Með því að vera gagnsæ og heiðarleg þá erum við allavega búin að gera það og fólk verður að taka ákvörðun sjálf í framhaldinu hvort það vilji vinna með þessum kerfum. Ef þessar upplýsingar eru ekki nóg og ekki traust fyrir hendi.

Stutturðað: Framkvæmdaráð stofnar starfshóp sem skilar tillögum og einhverjum texta sem hægt er að setja á heimasíðuna með útskýringum fyrir fundinn sem Sunna talar um. Fyrsta lagi tillögur um úrbótur og í öðru lagi útskýring á kosningakerfinu sem hægt er að vísa í. Björn Þór, Björn Leví og Herbert Snorrason eru í fyrirsvari fyrir þennan hóp og þeir skila tillögum innan tveggja vikna. Kynna á fundi 17. mars hvað liggur fyrir og 24. mars hvað ákveðið hefur verið.

Tillaga (loka): Framkvæmdaráð skiptar starfshóp sem hefur það hluverk að taka saman og setja upp sögu kosningakerfisins okkar og tillögum að úrbótum að því. Skýrsla kynnt 17. mars og starfshópur tilbúinn með tillögum að úrbótum 24. mars. Björn Leví, Björn Þór og Herbert skipa vinnunhópinn og þeir munu hafa samband við þróunarhóp Pírata til þess að vinna í þessu.

Kosið um þessa tillögu: Samþykkt af öllum á fundinum. Herbert sat hjá.

Björn Leví: Það er nú þegar komin svona lýsing á kosningakerfinu, en hún er kannski svolítið týnd.

Björn Þór: Vill benda á eitt. Það hefur verið reynt að fá verkefnastjóra til að yfirfara kosningakerfið.

Sunna: Þið fengið umboð hjá tveimur framkvæmdaráðum til að fara með umsjón með kerfinu. Þetta bendir á svolítið sem við þurfum að hafa í huga varðandi næsta framkvæmdaráði. Að við verðum með einhvern hand-off pakka til næsta framkvæmdaráðs. Með hýsingaraðila, þú (Björn Leví) varst að benda á að það væri kannski betra að það væri einhver innan Pírata sem væri með aðgang að kerfinu. Hins vegar geta þeir sem hafa aðgang að kerfinu haft áhrif á kosningar.

Björn Leví: Já, en út af því að þetta er vottaður vefhýsingaraðili þá er það tryggt að hann megi ekki hafa aðgang að hýstum vefsíðum

Sunna: Getum við kannski borgað einhverjum fyrir að sjá um þetta, sem getur séð um þetta.

Erna: Má setja spurningarmerki við það að Pírati eigi fyrirtæki sem hýsi kosningakerfið. En ég geri ráð fyrir að kerfið þeirra sé mjög professional þar sem það er ISO vottað.

Herbert: Þó að við kaupum hýsingu frá einhverju vefhýsingarkerfi þá hefur það ekki aðgang að kosningakerfinu okkar. Mjög erfitt að svindla á kosningakerfinu

Björn Þór: Ég hef lengi talað fyrir því að ráða forritara og er með hugmynd hvernig væri hægt að fjármagna það

Kári: Könnun í Eistalandi þar sem fólk treysti miklu frekar tölvukosningum en pappírskosningum, í rauninni auðveldara að eiga við póstkosningar heldur en rafrænar kosningar. Einnig heyrði ég um daginn hugmynd um að kerfið ætti að vera tvískipt. Sem sagt hafa einn aðgang sem heldur utan um notendur og annað kerfi sem er þannig að hver getur ekki séð hvað hver er að kjósa um.

Björn Leví: Einhvers staðar þarf atkvæðið að koma frá. Það þarf alltaf að vera einhver kerfisstjóri.

Fundarhlé kl. 21:31

Fundur hefst aftur kl. 21:44

Fundstjóri áréttar að andsvör eiga að vera stutt og um það sem manneskjan er að tala fjallar.

==Hugmynd um ráningu forritara==

Björn Þór: Varðandi hugmynd að greiða fyrir forritara með öðrum hætti en úr vösum Pírata. Þá er þetta opinn hugbúnaður og frjáls og úr því við erum að nota kóðann í okkar hag, þá getum við stofnað félag sem sér um að þróa þennan kóða sem open source og með því að gera þetta þyrfti þetta ekki að flokkast undir stjórnmalastarf heldur þróun á open source hugbúnaði. Þessi hugmynd er til staðar og það er hægt að framkvæma hana

Andsvar frá Herbert: eitthvað sem er til þess gert að komast fram hjá lögum, þá gæti það komið inn á borð framkvæmdarráðs og grunur um að það gæti eitthvað misjafnt verið í gangi. En annars er ég hlynntur þessari hugmynd.

Andsvar frá Sunnu: Hvað fæli það nákvæmlega í sér að þetta væri open source upp á aðgengi annarra að þessu og er einhver að fara að greiða einhverjum öðrum fyrir að vinna í þessu.

Björn Þór: Yrði stofnað félag í kringum þetta með sína eigin stjórn og það þyrfti bara að skrifa lög fyrir það félag sem ynni að því að þróa þennan hugbúnað. Markmið félagsins væri þá að þróa hugbúnað til notkunar í félagastarfi. Þessi búnaður væri því nothæfur öllum, aðrir stjórnmalaflokkar gætu þessa vegna notað þennan hugbúnað. En við myndum alltaf hafa einhvern hjá okkur sem sér um að innleiða þennan kóða hjá okkur.

Sunnar: Mér finnst þetta góð hugmynd, og ég tek undir með Herberti að þetta er kannski eitthvað sem þið mynduð gera. Ef þetát myndi virka gætum við kannski losnað við að ráða forritara

Björn Þór: Til þess að koma þessu af stað væri kannski hægt að ráða einn forritara hjá Pírötum sem sér um að koma þessu af stað.

Kári: Væri sniðugt að sækja um aðild að þessu félagi og efla það og því væri hægt að greiða félagsgjöld í það félag.

Herbert: Ég renndi yfir þessi atriði fyrir tæpu ári síðar og sjálfseignarstofnun er heppilegasta fyrirkomulagið fyrir þetta. Ef það ætti að skoða þetta fyrir alvöru væri sniðugt að hafa samband við íbúa SES (þeir sem eru að þróa betri Reykjavík) því að þau eru nú þegar að vinna í þessum verkefnum. Væri möguleiki að vinna með þeim hvað þetta varðar.

Sunna: Þeir sem hafa áhuga á að þæla í þessu þæla í þessu og koma með konkret tillögu um þetta. Þetta er Píratahugsjón, að búa til hluti sem hægt er að deila með öðrum, verkefni sem væri fleirum en okkur til góða og það er ekkert athugavert við það. Þegar að því kemur að þetta er orðin fullmótuð hugmynd sem hægt er að vinna með að það sé hægt að ræða að ráða einhvern í stöðugildi hér hjá Pírötum.

Björn Þór: ég skal reyna að finna einhvern sem hefur áhuga á að gera þetta.

Kári: Eigandaábyrgð skiptir mig miklu máli þannig að það verði ekki offun og mikilvægt að við sem Píratar skorist ekki undan þannig ábyrgð og sýnum aðhald með því að vera félagar sem stjórn málaafl í þessum félagasamtökum.

==Trúnaðarráðsmálið==

Olga: tvær hugmyndir: fyrsta – auðveldust : upphaflega stóð til að Bjartur yrði hluti af trúnaðarráði, hann hlaut jafn margar tilnefningar og Sprörri – hann afþakkaði stöðuna í þágu Spörra –

Herbert: Bjartur mögulega kominn með opinbera stöðu annars staðar.

Erna: Finnst góð hugmynd að Bjartur taki þetta en það þyrfti að rökstyðja það vel.

Tillaga: Olga tekur að sér að tala við Bjart Thorlacius u mað hvort að hann sjái sér fært að taka sæti í trúnaðarrái Pírata (í stað Finns Þórhildar– og Gunnþórssonar sem sagði af sér stöðunni) þar sem hann átti upphaflega að vera í trúnaðarraði en sagði af sér stöðunni til Þrösts Jónssonar (þar sem þeir voru með jafnmikið vægi eftir tilnefningar var því ekkert til fyrirstöðu). Framkvæmdaráði þykir því eðlilegast að Bjartur taki stöðuna ef hann vill og getur, og það myndi þarfnast samþykktar á félagsfundi. Ef það gengur ekki þá myndi Olga sjá um að fara í sama ferli og síðastliðið haust og biðja um

tilnefningar fyrir nýjan meðlim trúnaðarráðs.

Fundurinn samþykkir án mótmæla.

==Aðildarfélag Pírata á Seltjarnarnes==

Tillaga: Framkvæmdaráð samþykkir Pírata á Seltjarnarnesi sem aðildarfélag landsfélags Pírata

Tillagan samþykkt einhljóða

==Aðildarfélag Pírata á Suðvesturkjördæmi==

Þeir eru búnir að senda okkur lögín sín. Stóra atriðið sem við sjáum að því er að samkvæmt lögum Pírata þá mega starfssvæði ekki skarast. Tilkall þessa félags skarast á við önnur félög sem eru til staðar.

Herbert og Sunna hafa farið yfir lögín og eru með athugasemdir. Þau ætla að taka það saman og senda á Ölgu sem kemur því á framfæri við Suðvesturkjördæmi.

==Fundir slitið==

22:18